

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Menippus sive dialogorum satyricorum centuria inanitatum nostratum speculum**

**Andreä, Johann Valentin**

**Cosmopoli [i.e. Straßburg], 1618**

83.Asinvs

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

cibus alienus, si potacitas, & oberrandi libido, si rerum alienarum curiositas, si vindictæ cupiditas, si animus ad iracundiam præceps, & peccatus erga miserimos afflictissimosque immisericos.

## 83. A S I N V S.

**A** Bene veneritis frater Anshelme. **B** Et vobis bene sit Domine Asine. **A** Vah! proditus sum. **B** Iræne unum te credis iocōseria legere? **A** Hoc saltē mihi debebarur, ne quis Asinini plus sciret. **B** Parce Agrippæ, qui Asini encomium scripsit, si Apuleius tibi nullus est, aut Egyptianorum Ochus: imò parce illi, qui iuditu suo & se prodidit, & rem literariam propè perdidit. **A** Extra iocum, nonne miseret humanæ sortis, quæ sub Anshelmi patrociniō toties Asini rationibus succubuit? **B** Atqui M Montanus fortius adhuc, & elegantius pro bestiis contra homines depugnat, nec persuadet aut vincit. **A** Quid est ergo quo emiacamus, si rationis nostræ, & eius, quod iactamus in nobis, divini, vel hebetudinē, vel servitium, vel abusum, vel ignorantiam, vel malitiam vel commixtionem fateamur? nec enim Africa unquam tale Monstrum genuit, qualia humanum cerebrum quotidie solet. **B** Christus Theantropus omnem cum brutis cōparationem sustulit, postquam ne Angeli quidem speciem, sed humanam carnem, ineffabili huma-

humanæ gentis æstimatione assumpsit. *A.* Hoc sane est quod optimos quosque sustinet, & humanæ sortis onera perferre iubet, quo absque esset, miserissimi creaturarum, & inter infelices homines infelicissimi, imò ineptissimi merito audirent Christiani; at quid est, quod Christus humani generis unicum decus tantopere vilescit? quid quod inter tot ordines paucos admodum habet Christiano nomine, dignitateque contentos. Nam leones passim videas, lupos, apros, simias, vulpēs, fues, graculos, vesperiliones, mures, serpentes, canes, pavones, hircos, ranas, vultures, asinos, lepores, scarabæos, corvos, cicadas, feles; homines perrarò, Christianos prope nullibi. *B.* Quæ tu mihi animalia enumeras? *A.* Quæ verò? quibus animam, corpus, bonam, famam, ingenium concedimus. *B.* At illos aquilas, cervos, equos, oves, cygnos, columbas, lusciniâs, apes, formicas appellamus, & virtutibus nobis, non sorte tantum superiores agnoscimus. *A.* Hoc scilicet supererat, ut quoniam taurorum instar iugum in nos recipimus, illud etiam admiremur, & conquisitis elogiis magna nostra infamia extollamus, inferiores illis bobus Gallicis, quos Mich. Montanus ait Regiis in hortis tympanis inclusos aquam irrigandis floribus debitam, attrahere, ac rotationum consuetarum, centanarum puta die uno, usque adeo esse memores, ut labore peracto se sistant, nec ad ulteriorem ulla vi adigi possint. Vide mihi quantum sapiant

hi boves præ multis hominibus, quibus vanissimorum laborum perennitas facile imponitur, quæque ad mortem usque levicula persuasione deducuntur: itaque hæc regula erit, solum Christianum ratione sua & hoc tempore bene uti, reliquos bestiis vel deteriores, vel miseriorese esse.

## 84. SCRIPTORES.

*A.* Scribe, si quid scribis. *B.* Nescio quam calamus mihi stupeat. *A.* Tibi uni scilicet, hoc scripturiente seculo, quo eunuchi gignunt, steriles pariunt. *B.* Eo magis ungues rodendi sunt, ne quid prædeat monstruosum, & Spartâ relegandum. *A.* Hæc unica cautio est, nihil serui scribas; id enim huic ætati tum suspectum est, tum in visum, vel sanè ridiculum, nec quisquam hodie facilius fanatici nomen obtinet, quàm si animæ in hoc vitæ breviario consulere, Christi conversationem amplecti, mundum planissimè negligere. eique adversum ire suadeat. *B.* Nescio, quæ scrius sim, certe mihi interdum ipsi risum moveo, quam vis amarum: at quid aliis videatur hæud parum refert. *A.* De candidis liberalibus, eruditis prudentibus, jubeo securum esse, quos eiusmodi sales nunquam offendunt, potius accuunt & stimulant, sed de anathematissis, offariis, mulionibus, alphabetariis, vermiculatis, balneatoribus nihil habeo quod spondeam. *B.* Hi opinor non legent, aut non intelligent. *A.* At araneæ facilimum est è flore venenum sugere. *B.* Sed æquè facile api mella facere, me tamen tria valde